

**MAHINUNGDANONG MGA PAMAHAYAG
ALANG SA 2023 MEMORIAL DAY CONFERENCE**

**Aron mahimo si Cristo nga tanan ug mabatonan Siya
sa tanang butang, kat-onan gyod nato nga sigeng magdumili
sa atong kaugalingon ug moliso sa atong espiritu.**

**Kinahanglan mausa ta sa kalag aron makapahimulos ni Cristo
sa paghunahuna nato sa usa ka butang, sa pagkausa nato ni Cristo
sa Iyang mga bahin sa sulod, ug sa pagpabuhat nato sa Dios sa sulod nato
sa pagbuot ug sa pagbuhat alang sa Iyang gikahimut-an.**

**Sama ni Pablo, magtinguha gyod ta nga makaila ug makasinati ni Cristo,
sa gahom sa Iyang pagkabanhaw, ug sa pagpakig-ambit sa Iyang mga pag-antos
ug ipahiuyon sa Iyang kamatayon nga hulmahan sa Cristohanong kinabuhi.**

**Ipahiuyon gyod ta sa kamatayon ni Cristo
aron makakab-ot ta sa labaw-nga-pagkabanhaw—
ang bugtong paagi nga makapadayon ang Ginoo sa Iyang pahiuli,
ang bugtong paagi nga matukod ang Iyang iglesia,
ang bugtong paagi nga maandam sa pangasaw-onon ang iyang kaugalingon,
ug ang bugtong paagi nga makabalik ang Ginoo.**

**Mga Talamdan sa Mga Mensahe
alang sa Memorial Day Conference
May 26-29, 2023**

**LINANGKOB NGA HISGOTANAN:
MAKAILA, MAKASINATI, UG MAKAPAHIMULOS NI CRISTO
INGON SA GIPADAYAG SA FILIPOS**

Mensahe 1

**Himoon si Cristo nga Tanan aron Mabatonan Siya
pinaagi sa Pagdumili sa Atong Kaugalingon ug Pagliso sa Atong Espiritu**

Basahong Kasulatan: Mat. 3:17; 12:18; 16:24; Mar. 9:7-8; 2 Cor. 2:10; Gal. 1:15a, 16a; Col. 2:16-17

I. Si Cristo ang gitinguha sa kasingkasing sa Dios—Mat. 3:17; 12:18; 17:5; Gal. 1:15a, 16a:

- A. Ang gitinguha sa kasingkasing sa Dios mao nga magpadayag ni Cristo ang tanang tawo, tanang hitabo, ug tanang butang sa uniberso; sa mahiusa na ang tanang butang ubos sa usa ka Ulo diha ni Cristo, duna nay hingpit nga panagdait ug panag-uyon, ug magpadayag ni Cristo ang tanang butang sa uniberso—Col. 1:15-19; 3:10-11; Efe. 1:10, 22-23; 4:15-16; Isa. 55:11-13.
- B. Naanaa ta aron mapadayag si Cristo, nagsangyaw ta sa ebanghelyo aron mapadayag si Cristo, alang sa pagpadayag ni Cristo ang buhat nato, ug alang sa pagpadayag ni Cristo ang iglesia—43:7; 2 Cor. 4:5; 1 Cor. 15:58; Juan 17:23; Efe. 1:23; 3:19-21.
- C. Si Cristo ang realidad sa tanang positibong butang sa uniberso—Col. 2:16-17:
 1. Dakong hulagway ang tibuok uniberso nga gidibuho sa Dios nga naghigot ni Cristo, naghulagway ni Cristo, ug nagpadayag ni Cristo—1:15-17; Sal. 19:1-6; Rom. 1:20; Heb. 11:3.
 2. Matag adlaw nagkaon ug nag-inom ta ni Cristo, matag semana duna tay pagkacompleto ug pahulay diha Niya, matag bulan makasinati tag bag-ong pagsugod diha Niya, ug sa tibuok tuig Siya ang atong kalipay ug pagpahimulos—Col. 2:16-18a.
- D. Sulodnon gyod unta tang makakita ug makaamgo nga walay laing gusto ang Dios kondili si Cristo ra; ang tumong sa Dios sa Iyang pahiuhi pagpahiuhi man ni Cristo nga tanan alang nato—1 Cor. 1:9:
 1. Sa nisulod si Cristo kanato, dili lang nga gusto Siya nga mahimong atong kinabuhi kondili atong tanan sab; Siya ang atong gininhawa sa kinabuhi (Juan 20:22), tubig sa kinabuhi (4:14; 7:37-39), tinapay sa kinabuhi (6:35, 48), kaha-yag sa kinabuhi (1:4; 8:12), ug puluy-anan sa kinabuhi (14:23; 15:1, 4-5).
 2. Maggawi gyod ta nga nahiangay sa Ginoo aron magpahimuot Niya sa tanang butang, mamunga sa tanang maayong buhat sa pagkinabuhi nato ni Cristo, pagpatubo ni Cristo, pagpadayag ni Cristo, ug pagpasanay ni Cristo sa tanang bahin—Col. 1:9-10.
 3. Ipaumol gyod nato sa Dios si Cristo nganhi nato hangtod mahimo Siyang tanan alang nato—atong hilabihang kalipay ug atong hilabihan kadakong ganti—Efe. 3:16-19; Sal. 43:4a; Gen. 15:1; Juan 15:11; Rom. 14:17; Fil. 3:14.
 4. Ang kinadak-ang panginahanglan nato karon kana mang makakita nga si Cristo ang Espiritu nga nagpuyo sa atong espiritu; kon dili nato makita kining

puntoha, objectibong doktrina lang alang nato ang tanang may kalabotan ni Cristo—1 Cor. 15:45b; 2 Cor. 3:17—4:1; 2 Tim. 4:22; 1 Cor. 6:17; Juan 4:24.

5. Si Cristo sab ang Pulong; mokontak ngani ta sa Pulong sa Ginoo pinaagi sa atong espiritu, mahimong espiritu ang Iyang mga pulong, ug mahimo nganing espiritu ang Iyang mga pulong, mosulod ang Espiritu kanato aron hingpit tang maokupahan, matransporma, ug masagol Niya aron matagbaw ang gitinguha sa kasingkasing sa Dios—Efe. 6:17-18; Juan 5:39-40; 6:63.
- E. Makita na ngani nato ang malangkobon-sa-tanan nga Cristo ug makat-on na sa sekreto sa pagpahimulos Kaniya, magmatinumanon ta sa pahiuili sa Ginoo—Mar. 9:7-8; Buh. 26:19, 22; 1 Cor. 1:2, 9-10; 2:9-10; 2 Cor. 2:10; 2 Tim. 4:9-18; Fil. 1:19-21a:
 1. Itingob gyod nato ang atong pagtagad Kaniya, dili sa bisan kinsang tawo, mga butang, o mga hitabo ba nga dili Siya; ipunting gyod nato ang atong pagtagad Kaniya nga bugtong-talagsaong sentro nato nga gitudlo sa Dios aron masulbad ang tanang problema diha sa mga magtutuo—1 Cor. 1:9; Bug. 2:4-5; Col. 1:17b, 18b.
 2. Kanang mobiya ang tawo sa pahiuili sa Ginoo nagpasabot nga wala pa gyod siya sukad makakita kon unsa ang pahiuili; lig-on ba ta o dili diha sa pahiuili ug napanalipdan sa pagkabahinbahin nag-agad man sa panan-awong nakita nato; sa pagpunting lang nato sa atong pagtagad kang Cristo nga maluwas ta sa pagkabahinbahin.
 3. Kon magtagad ra ta ni Cristo nga bugtong-talagsaong sentro, gipili, gusto, gana, ug pagpahimulos nato, mag-amping kini nato sa iglesia diha sa pahiuili sa Ginoo hangtod mobalik Siya; kay kon dili, mahigawad o malinga ta ug mobiya sa pahiuili sa Ginoo.

II. Mosunod gyod ta sa sumbanan ni Pablo sa Filipos sa paghimo kang Cristo nga tanan:

- A. “Kay alang nako, ang pagkabuhi mao si Cristo”—gihimo ni Pablo si Cristo nga pagkinabuhi niya—1:21a.
- B. “Sa gihapon, bisan karon mapadako si Cristo diha sa akong lawas, pinaagi ba sa kinabuhi o pinaagi sa kamatayon”—gihimo ni Pablo si Cristo nga pagpadayag niya—v. 20.
- C. “Maanaa unta ninyo kining hunahunaa, nga naa sab ni Cristo Jesus”—gihimo ni Pablo ang hunahuna ni Cristo nga hunahuna niya—2:5.
- D. “Ug makaplagaan diha Niya, dili nga dunay kaugalingon nakong pagkamatarong nga gikan sa kasugoan, kondili kadto hinuong pinaagi sa pagtuo diha ni Cristo, ang pagkamatarong nga gikan sa Dios ug pinasikad sa pagtuo”—gihimo ni Pablo si Cristo nga iyang pagkamatarong nga gikinabuhi niya—3:9.
- E. “Tungod sa labaw nga pagkamaayo sa pagkaila ni Cristo Jesus nga akong Ginoo, nga tungod Niya nag-antos ko nga mapildihan sa tanang butang ug nag-isip niini nga biya aron mabatonan nako si Cristo”—giisip ni Pablo nga labaw kaayo ang pagkaila ni Cristo—v. 8.
- F. “Usa ka butang ang akong gibuhat: Gikalimtan nako ang mga butang nga nangagi na ug gikab-ot ang mga butang nga naa sa unahan, nagpursigir ko sa tumong alang sa ganti nga niana gitawag ko sa Dios paingon sa itaas diha ni Cristo Jesus”—gihimo ni Pablo si Cristo nga tumong niya—vv. 13-14.
- G. “Mga igsoon, bisan unsay tinuod, bisan unsay halangdon, bisan unsay matarong, bisan unsay putli, bisan unsay hiligugmaon, bisan unsay dinayeg, kon duna may

maayong gawi ug kon duna may pagdayeg, hinumdoman ninyo kining mga butang”—gihimo ni Pablo si Cristo nga maayong kagawian niya—4:8.

- H. “Makahimo ko sa tanang butang diha Niya nga naggahom nako”—gihimo ni Pablo si Cristo nga gahom niya sa pagkinabuhi kang Cristo nga maayo kaayong pagkinabuhi niya—v. 13.
- I. “Nakat-on na man ko nga makontento sa bisan unsay akong mahimutangan. Makamao sab ko magpakaubos, ug makamao ko magpakabuhong; sa tanang butang ug diha sa tanang butang nakat-onan na nako ang sekreto nga magpakabusog ug magpakagutom, nga magmadagayaon ug maanaa sa kawalad-on”—gihimo ni Pablo si Cristo nga sekreto niya—vv. 11-12; itandi sa vv. 4-7.
- J. “Naa ang atong nasod sa mga langit, ug gikan niini maikagon sab tang nagpaabot og Manluluwas, si Ginoong Jesucristo, nga mag-usab sa dagway sa lawas sa atong kaulawan aron masama sa lawas sa Iyang himaya, uyon sa Iyang pagbuhat nga tungod niana makahimo Siya bisan sa pagpasakop sa tanang butang sa Iyang Kaugalingon”—gihimo ni Pablo si Cristo nga paglaom niya—3:20-21.

III. Nabatonan nato si Cristo aron mabatonan ta Niya (v. 12; itandi sa Hab. 1:1) segun ning mga aspetoha:

- A. Ang pagkabaton nato ni Cristo makapabati nato sa presensya sa Dios (sa pneumaticong Cristo)—Juan 20:22; Exo. 33:11a, 14:
 - 1. Mahadlok gyod unta ta sa usa ra ka butang—kanang mawad-an ta sa presensya sa atong Ginoo—2 Cor. 2:10; itandi sa Efe. 4:30; 1 Tes. 5:19.
 - 2. “Buhion ta Niya human sa duha ka adlaw; / Pabangonon ta Niya sa ikatulong adlaw, / Ug mabuhi ta sa Iyang presensya” (Os. 6:2)—ang realidad sa ikatulong adlaw mao ang persona, ang presensya, sa nabanhawng Cristo nga dunay realidad sa pagkadasig pag-usab (Hab. 3:2).
- B. Ang pagkabaton nato ni Cristo makapabati natog kasanag ug katin-aw sa sulod—Bug. 22:1; Juan 1:4; 8:12; Ezeq. 1:22, 26.
- C. Ang pagkabaton nato ni Cristo makapabati nato nga nasangkapan ta sa sulod og Cristo nga espirituhanong kalan-on ug espirituhanong ilimnon nato—1 Cor. 10:3-4; Juan 6:57; 4:10, 14, 24; 1 Cor. 12:3b, 13.
- D. Ang pagkabaton nato ni Cristo makapatubo nato sa kinabuhi ug matransporma ngadto sa Iyang dagway—Col. 2:19; 2 Cor. 3:18; Rom. 12:2.
- E. Ang pagkabaton nato ni Cristo makapadasig ug makapabuhat nato—Dan. 11:32b; Buh. 1:8; 5:20; 13:1-4; 1 Cor. 14:31; itandi sa Ezeq. 3:1-3; Sal. 68:11-13, 19.

IV. Aron mahimong tanan nato si Cristo ug mabatonan nato Siya sa tanang butang, kat-onan gyod nato nga sigeng magdumili sa atong kaugalingon ug moliso sa atong espiritu:

- A. Hingpit gyod tang mosulod sa atong espiritu kay naa man sa atong espiritu ang Ginoo nga Espiritu, nga realidad sa Lawas—2 Tim. 4:22; Efe. 1:17; 2:22; 3:5, 16; 4:23; 5:18; 6:18.
- B. Kat-onan gyod nato nga ipatumong ang atong salabotan sa espiritu; sa ato pa, kat-onan gyod nato nga mosalig sa Dios ug sa Ginoo; ang tinuod nga sekreto sa pagkinabuhi sa Cristohanong kinabuhi alang sa iglesiahanong kinabuhi pagpatumong man nato sa atong salabotan sa espiritu—Rom. 8:6.
- C. Ang pagliso nato sa espiritu maoy sekreto sa pagka-Cristohanon; ang paagi sa pagsunod nato sa Ginoo, pagpahimulos sa kadato sa Ginoo, pagkinabuhi diha sa realidad sa Lawas ni Cristo, ug pagbuhat diha sa pagpangalagad sa Bag-ong

Tugon sige mang pagbansay nga isalikway ang atong kaugalingon, pagwala sa atong kinabuhi-sa-kalag, ug pagliso sa atong espiritu—2 Cor. 3:3, 6, 16—4:1; 2 Tim. 4:22; Fil. 1:19; Rom. 8:16.

- D. Ang buhat sa Ginoo, nga gibuhat nato pinaagi sa gahom sa Espiritu Santo, buhat mang magsugod sa espiritu ug matapos sa espiritu; magsugod kining buhata sa atong espiritu ug matapos sa espiritu sa uban—1 Cor. 2:4-5, 13, 15; 2 Cor. 3:6; 13:3; itandi sa Sal. 42:7a.
- E. Duna tay espiritu nga mokontak ug modawat sa Dios ug kalag nga magkinabuhi ug magpadayag sa Dios; ang pagdawat, pagkinabuhi, ug pagpadayag nato sa Dios mao gyod untay pagpahimulos, kalipayan, ug kalingawan nato—Juan 4:10, 14, 24; 6:57; Luc. 1:46-47; 1 Cor. 10:31.
- F. Gilalang sa Dios ang kalag sa tuyo nga magpadayag Niya, dili maanaay kaugalingon niining pagpahimulos o pagpili; walay makinaugalingong pagpahimulos diha sa pamatigayon sa Dios; ang pagpangalagad ni Pablo pagpaambit man sa kadato ni Cristo isip grasya ngadto sa mga magtutuo aron makapahimulos sila—Gen. 1:26; 2:7; Efe. 3:2.
- G. Ang pagdumili sa kaugalingon nagpasabot og pagsalikway sa tinguha, gusto, ug pagpili sa kalag; ang unang sala sa tawo pagbuhat man alang sa iyang kaugalingon, pagtagbaw sa kaugalingon—Gen. 3:1-7.
- H. Bisan unsang naggikan sa atong kaugalingon (ang hunahuna, pagbati, ug pagbuot sa atong hulog nga kalag) nadugtong man ni Satanas ug sa mga demonyo—Mat. 16:21-27:
 - 1. Isip dili putling asawa ni Jehova, nadaotan ang Israel; makaamgo gyod unta ta nga mobiya ngani ta sa Dios, mabuhat sab nato ang bisan unsang matang nga daotan—Os. 4:1; Efe. 4:17-21.
 - 2. Makaamgo gyod unta ta nga kon dili ta magpabilin nga makig-ambitay sa Dios diha sa atong espiritu, mawad-an ta sa presensya sa Dios ug maana sa unod ug maggawi sama sa mga tawo sa kalibotan—Fil. 2:1-2; 1 Juan 1:3; Efe. 4:17-19; Gen. 20; itandi sa 12:11-13; 13:18.
 - 3. Dili gyod mahimong mobakasyon ta sa pakig-ambitay nato sa Dios diha sa atong espiritu; dili ang atong kaugalingon ang panalipod nato, ang presensya hinuon sa Dios—1 Juan 1:3; itandi sa Sal. 31:20.
- I. Ang pag-ampo maoy tinuod nga pagdumili sa kaugalingon:
 - 1. Sa pagkatinuod, dili na ta moampo pag taas; igo na ang pagtawag og “O Ginoong Jesus”; bisan kanang mubo nga pag-ampo nagpasabot mag “dili na ako kondili si Cristo”—Rom. 10:12-13; Gal. 2:20.
 - 2. Nanghimatuod ang atong pag-ampo nga wala nato gamita ang kaugalingon natong paningkamot sa pagtagad sa sitwasyon (“paghingilin sa mga demonyo”); giaplikar hinuon nato si Cristo—Mar. 9:14-29.
 - 3. Ang pag-ampo pagbatasan man sa panan-awon kalabot ni Cristo lakip na sa Iyang kamatayon ug pagkabanhaw nga puli nato aron hingpit tang “ma-Cristo” nga motagbaw sa gitinguha sa kasingkasing sa Dios—vv. 2-13.